

三长物斋丛书

古誌石華卷十二

三長物齋叢書

唐八

衛某妻劉氏

唐故衛府君劉夫人合葬銘

并序

夫人四娘其先彭

城人也自留秦兮族海隅振藻前史昭晰不能繁云曾
祖福祖李買父口歆並鄉閭儀表人倫聞望高尚其志
婆娑自適盛德鍾美降生夫人而嬪於衛氏焉其孝事
舅姑賓待君子禮接姻黨慈訓長幼則姜施孟母之不
死也豈簡翰所得形焉嗚呼鳳梧半死龍劍一沉君以
開元二十三載三月七日溘先朝露夫人守志弥堅孀

節不易奈何天不佑慶以天寶六載遘疾七月十二日
終於私第享壽七十有四即以其二十八日附窆於河
內郡城西北二里弼諧鄉平原夫之故塋禮也有子克
已血泣荼苦骨形柴立爰求匠石敬紀芳猷詞曰 彭
城流芳兮海隅降生賢婦兮以配君子天何不佑奄此
凶矣孝孺戀兮哀哀胡恃泐立紀銘兮永光萬祀

是誌乾隆二十二年河內人鋤地得之書法遒秀絕
類磚堦銘載其文於懷慶府志衛君前葬十有二年
始以劉氏祔誌爲劉作標題當曰衛府君夫人劉氏
祔葬不當曰衛府君劉夫人合葬開元稱年此曰二

十三載因天寶時作誌遂追改耳即以其下脫月字

成某

唐故振威副尉左金吾衛新平郡宜祿

府左折衝都尉

成府

君墓誌

并序

赫赫宗周昔有天下兮族命氏列

乎于成公□□□□□連曾祖威皇太中大夫禮部侍

郎祖立□皇朝朝散大夫趙郡慶陶縣令父崇品朝議

郎宣□□司戶叅軍於是克清門風乃敷政理脩歷中

外□□□□□以良家子屬中宗孝和皇帝有事郊□

□□□□□授左羽林軍長上轉京地府望苑府別將

左清道率□□□候當警夜紫禁環衛丹墀以事一人方

逾十祀無何調河東郡霍山府左果毅都尉左金吾衛
知隊仗使龍交郡龍交府彭原郡天固府加振威副尉
新平郡宜祿府左折衝都尉知隊仗如故加左藏庫使
勒驍雄之勇列虎豹之師守金帛之殷將出納之愴公
幼而習武長而主兵恭默其心堅白其操口福之善矣
豈禍之淫矣遘疾弥旬卒于咸陽別業然天寶五載九
月廿一日享壽五十有五以六載十月廿八日葬於長
安高陽原禮也銘曰嗟嗟都尉三居其位天階入侍
天府司使福善無徵禍淫乃至且小植松栢乃高起壘
燧非獨今日之如然皆當萬古之所利

耐軒新獲此碑較比年所得稍大雖間有剝蝕而筆
致秀逸頗類褚河南惜未載書者名容當考之 庚
寅中秋青門李儼菴安氏題行書三行
刻誌後
誌泐下方左角標題處自宜祿下缺七字以文驗之
當是宜祿府左折衝都尉其知爲成府君者文敘姓
源有列乎于成句也

王靜信妻周氏

唐故義興周夫人墓誌銘

并序

夫人義興人也漢真

將軍勃之苗裔晉輔國大將軍處之孫皇明通之女姻
不失媛晉以足秦適爲大原王府君靜信之妻昔五典

克從三台樹位漢朝之任太尉司空此皆府君之遠祖
也夫人四德可則九族從風齋眉之敬無虧如賓之儀
有越奉佐君子何憚蒿藜自宅移天久歷星歲期百齡
之有永胡一極之備凶天道者何仁因斯在嗚呼哀哉
藥餌無救遂終於延康里之私第時春秋六十有五孤
嗣號絕猶子悲酸以茲吉辰赴杜城東郊之禮也況丹
旌霞掣素幕雲張痛寒風之蕭瑟悲夜月之蒼茫岳也
匪才忝為敘之銘曰 昔聞天道仁罔不遂彼蒼如何
降禍斯至嗚呼哀哉黃泉已掩白日寧開痛
孤嗣之號絕傷行路之徘徊 天寶六載十月卅日葬

關中金石記云此石舊在長安農家近爲山西汾陽某氏攜去志無撰書人姓氏文末曰岳也匪才岳則其名也誌中裔作襲齊眉誤作齋眉藜作藜喪作喪備作備罔作罔又作罔旌作旌第作弟禮也上衍之字說見前杜某誌

潘智昭

大唐故潘府君墓誌銘

篆蓋

唐故吏部常選廣宗郡

潘府君墓誌銘

并序

遠國流芳楚大夫汪之緒也洎

乎晉業黃門侍郎岳之裔矣幸唐運龍驤姬甫耀武曾祖仙壽識叶天謀輔翼左右拯濟塗炭永寧邦社拜銀

青光祿大夫儀同三司九原郡守祖觀大中大夫行司
津監父元簡積學成業溫恭允克仁惠鄉閭博通今古
弱冠明經擢第吏部選君名智昭字洛京地華原人也
幼年聰敏識用多奇日誦萬言尤工書算甄別寶玉性
閑技巧好歌詠事王侯此乃君之行也君之明也養親
純孝甘脆無虧交遊克誠信道日益友于兄弟共被均
衣見善必悅歸心三寶君之孝也君之仁也曉陰陽義
通挈壺術事瞿曇監侍一行師皆稱聰了委以腹心君
之德也君之能也掌歷生事習業日久勤事酬功授文
林郎轉吏部選時載五十有六運薄陵遲降年不永嬰

疾累月藥餌無徵病甚日薦終于其家嗚呼生兮有涯
逝川長沒備凶儀習吉地以戍子歲實沉月五日癸酉
殯于長安龍首鄉禮也有子五人順也運也訓也慎也
俊也昊天罔極泣血如流恐代久陵夷高崖為谷孝心
遠紀式刊銘誌長原孤墳松檟蕭森刊石遐紀流芳
德音泰山其頽梁木其摧五子荼毒追慕增哀天寶
七載七月五日景時

智昭銜曰吏部常選蓋吏部選人未經受職之稱其
先世曰楚大夫汪之緒卽左氏傳楚潘尪借汪作尪
也曾祖仙壽仙卽佛字祖觀行司津監龍朔二年改

都水監作司津監通挈壺術侍一行師唐六典太史
局有挈壺正掌教歷生三十六人唐書方技傳僧一
行精歷象陰陽五行之學開元五年強起至京置之
光大殿智昭掌歷生事正其時也誌中戊作戊罔作
罔

王某

大唐故西河郡平遙縣尉王府君墓誌銘

并序

原夫

口於蘭谷者猶聞十步之芳陟於松口者尚覩千尋之
口况乃于門口口口口名家堂構挺生不口口口者矣
公諱口口口口口口口河內人也太原舊族徙居河內焉

曾祖□□□遂州司馬祖□□□□□太子家令贈
少府監並以□歲登榮□翰早貴父□□□□□□
口中舍人贈銀青光祿大夫至於承親□□□□仁□
□□□□□□□離沐旌表門閭之□□制越古超今
降褒揚道□□□□□□□並見編於史誅此可
駕而上焉公以積善資靈□□□□□□□性卓
犖儒學之科釋巾任宣城郡宣城縣主簿江□□□□
口難□□□以清平標範正直申規□得吏愛毗謠傳芳
播譽□□□□□□□克家之子□筆之才擢授西河
郡平遙縣尉汾州巨邑晉□碩州□□□井之繁人恣

田壩之訟公以襟靈若口筆翰如流疏決姦盜口口與
奪口口其理口口口口究考在公閭閻無謗毀之聲
口口有口口之慕口口口口口口同僚懷戀德之
情蛇吏結口口之口口口千里口轅轡而已口口口
口口口庭而畢口昆房喜躍口口口同居隣伍歡愉
仰仁德而垂蔭口口廣脩淨業細繹元風何期福善無
殲良奄洎以天寶九載二月九日遇疾終于河南府河
陽縣口城口之本弟春秋五十有六以其年三月十四
日安厝于河陽縣親仁鄉之北口之原禮也惟公口德
義方剛徽名口植操口深口口口口口口口口口口

高節儉表其心風神□□□體斯乃曰天□□□□
□□□□□□乎激浪□鱗翔□墜羽□□將駕□□
已開□□□□□□□□□□之永隔□舉案之長乖
有子三人口□□□□郎□□□□□□□□惟彼
善門誕生材子□□□歲□□□□□□□□□□
□□□□言唯□是□宣城授□汾邑昇□□□□□
剖斷□□□□□□□□仁□□□□流美遺愛□□反
轡邱園安神靜□□□□□□□□□□□□□□
滿室□□積善永固□速禍□曾□□□□□□□□
□桂萼旋凋佳城已啓德誌風標脩陵□□□□長□

口口口口

誌在孟縣

劉感

唐故雲麾將軍左龍武軍將軍彭城劉公墓誌銘并序

河東進士李震撰 集賢院上柱國安定郡席彬書

猗夫乘間氣孕淳精扇風雲盪河岳體五行之秀應
三才之靈者繁我劉公而是焉公諱感彭城人也曾祖
諱睿隱德不仕耽逸邱園祖諱晃父曰子貴克大吾門
皇朝贈南礪郡司馬公清德難尙至理可師屬我皇撥
亂之開元也公提劍以從拔戈而先附鳳高翔攀龍潛

躍遂使羣兇泥首萬方革面解褐授翊麾副尉行興州
大槐戍主遷右衛寧州彭池府左果毅靈鑒洞照應變
知微命偶聖君職忝都尉又改昭武校尉行左衛陝州
曹陽府折衝轉左領軍衛同州襄城府折衝叅謀帷幄
之中制勝樽俎之右無何拜寧遠將軍左武衛翊府右
郎將賜紫金魚袋旋授定遠將軍行左龍武將軍翊府
右郎將又遷明威將軍右龍武翊府中郎將公位階鴻
漸官達席賁騰凌建信之名標準公幹之氣轉雲麾將
軍左龍武軍將軍上柱國進封彭城郡開國伯食邑七
百戶皇帝乃命圖形麟閣賜印雲臺公侯伯子之榮封

河山茅土貝冑朱綬之貴列長戟高門忽興逝水之悲
終銜過隙之歎以天寶十二載二月廿一日薨於永興
里之私第春秋七十一以其年十月卅日葬於咸寧縣
黃臺鄉之原禮也嗚呼地理勇骨天落將星蕭瑟松門
淒涼薤挽嗣子秀萼哀哀血淚樂樂棘心頌誦惟豕之
風以篆他山之石銘曰 三秦崗九泉窟鶴報地兮潛
恍惚森拱木間荒墳人瘞玉兮碎氤氲

誌云撥亂開元羣兇授首又云圖形麟閣賜印雲臺
蓋感以佐誅韋氏功起家官至左龍武將軍圖形賜
印可謂烈矣新舊唐書皆不著其名撰文之李震唐